



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 六六六

蝸寄廬詩草六卷蝸寄廬詩餘二卷 沈 鎧 撰

太素齋詞鈔二卷 勒方錡 撰

心巢文錄九卷心巢詩錄一卷 成 孺 撰

夢綠草堂詩鈔十二卷附鳳簫集二卷首一卷末一卷 蔡壽祺 撰

夢綠草堂詩鈔續集四卷 蔡壽祺 撰

彭剛直公奏稿八卷彭剛直公詩集八卷 彭玉麟 撰

有不爲齋集六卷 端木埰 撰

藏園詩鈔不分卷 游智開 撰

十二硯齋文錄一卷 汪 鋈 撰

一

八三

一〇五

一九三

三三一

三六一

六四三

七三九

七七五

# 蝸寄廬詩中六卷

## 詩餘二卷

受業程秉鈞

董署



光緒己卯  
肇秋  
付雕

### 笠湖沈先生行狀

吾師笠湖先生既歿之明年門下生哀錄遺著悉就溼墜以先生自訂詩集六卷詩餘二卷授之攻木氏將付當世知先生者弁言其端其孤熙文方為先生營北域期以來歲奉安幽魄宜有以文其窆中之石者為狀家世行業俟夫立言者焉先生諱鏗字駿聲笠湖其號沈氏通之白蒲鎮人世籍海陵明季有季立者始家於蒲高主考世祿曾王考書乘以先生世父文清公岐官都憲累階光祿大夫主考猷王妣吳臺齡偕老曾元一堂道光朝

特恩以坊於厥里者也累封前階妣一品夫人考岑以先

### 行狀

生貴初階通奉大夫晉階資政前妣呂妣呂怵晉夫人二子先生繼出也自光祿公以來代以質行取重邱里若古陳寔王彥方之儒文清公起家詞垣蔚為

國瑞羣從誰起方軌一時海濱著戴推巨擘焉曩從先生職方志之役据撫蔡世嘉懿登之簡牘人無異辭先生負殊稟四齡資政公口授尚書洪範篇即成誦既從世父建平公岱受舉子業年十七補州學生出侍文清公樂儀安定講席朋盍才請聲譽大起舉道光二十四年鄉試又三年第進士觀政戶部淫湛郎署者八年

顯廟初政

詔簡京員巡工

召見

養心殿俶裝出都于役河上權充州府運河同知迎二親之東擢知府需次濟甯以例得道員時捨氛不靖據赴僧邸軍中募勇籌精昕夕鞅掌又調赴皖營翩然告歸先生自是不復出在籍奉

命團防敘職鹽運使

賜孔雀翎既歲事主纂郡志屢長紫琅馬洲麗正諸書院弟子日益進尋丁內艱又遭伯兄明經公鈇泉資政公喪性故肫摯蒸蒸色養五十猶慕友于同氣莫知異腹屢膺

行狀

二

大故神氣驟沮未幾聞從弟刺史公善慶旅卒浙邸往哭其家歸而疾作縣優數稔而先生遂歿年六十又三先生於學無所不闕所為今時文甲賦乙詩厭厭人口侯官文恪慶公目為金華殿中人語良然迺鳳池見奪處之閒秩嘗試軍機章京弟一未記名既不獲珥筆清切之列導揚盛明又不能有所設施裨益庶政僅以枝官汗淩塵濁及參戎幕志趣靡合跼伏以終才遇乖忤一至此夫顧自旋里後需接後進一藝之長獎飾不去口家故貧宦游廿年囊橐益罄會屆歲暮貸友入母錢屏當家計適諸生有急需無援手者悉以屏之平生風義大率類是而先生學識

之卓卓者更有二焉客皖營時其帥擁重兵勢張甚諸從

軍者曰治精饌自呼其名此而饋諸案食之輒大喜驕語同列不則皇皇無人色詔齎之狀且有不可告妻孥者先生曰卑辱與深中吾能一朝處耶帥顧雅重先生而先生投牒去矣先生酒酣舉以語諸弟子以為不負所學也吾郡志乘積百有餘年莫之修也前書頗失次鄉先哲嘗更為之輒中他故卒息以止州大夫舉以屬先生先生排眾議力肩斯役書未及半先生病輿疾至郡手不能書口授鈔胥錄之凡八年所迨用有成人謂先生之疾越濼三四寒暑而始不可為者天之相吾郡也先生之功亦偉矣哉

行狀

三

先生幼時即耽吟詠比官京秩益事唱誦迨以醜渠之役馳驅鞏洛登陟岱頂而詩愈昌大都不事鉤棘夷猶跌宕如其為人尤喜為大小中令藁本甚富今所錄寄廬詩詞集先生病中所刪定也嘗通天官家言所著不傳詩詞外有文集二卷駢體文四卷律賦二卷選定諸生課藝二卷臧於家先生生嘉慶二十一年十月十一日卒光緒四年正月七日配吳淑人先生宦東河時歿於河南子一即熙文也同知銜候選通判女二適鄭一適吳元煥如皋縣學生孫一來宜光緒五年十有一月門人顧曾烜謹狀

蝸寄廬詩草六卷

卷一

古今體詩一百十三首

卷二

古今體詩八十七首

卷三

古今體詩一百二十五首

卷四

古今體詩六十五首

卷五

古今體詩一百二十五首

卷六

古今體詩七十九首

都計五百九十四首

蝸寄廬詩目

蝸寄廬詩草卷一

南通州 沈 鐘 笠湖

古今體詩一百十三首

郊居

習居不經意林泉渺幽賞會心不在遠頗有濠梁想一水  
繞柴門漣漪動混漾生意碧芽茁菰蒲雜葑蔣跳波魚潑  
刺老漁時來往夕陽人影低遙聽鳴榔響

屋角有古槐蜿蜒作蚪勢云此百年物白雲晝陰翳昔人  
植三株章平崇甲第一夔今已足嘉蔭速蘭蕙旁有雙梧  
桐百尺挺修翠願為焦尾琴無為爨下棄

蝸寄廬詩草卷一

昔人曾有言不可居無竹結茅臨水浹萬竿碧煙簇每歲  
屆春暮森森貓頭束鋤筍餉盤殮屬饜老饕腹自夏徂秋  
冬綠雲覆茅屋其下有流泉琤璫夏寒玉

東閣萬梅花竹外倚寒碧仙人萼綠華來往孤山客疎影  
澹昏黃皓月照顏色縞袂何翩翩蹋雪下姑射對茲綴清  
吟冷香沁肌骨何必夢羅浮紙帳銅瓶側

屋角種芭蕉綠天榜其屋風際葉舒卷供書紙千幅老蕉  
作奇醜清芬襲舊菊佛言波羅蜜甘冽勝麝菊石牀容我  
卧北風聞謾謾一夢本無心得失墮中鹿

淮南有桂樹叢生山之幽小園非招隱嘉客紛遮留老桂

森屋脊鶻鵲翠烟浮羣桂羅階城香風發清秋袖薄露氣  
莫夜靜月華流桂父在何處抗懷希夷游

我聞頻婆羅學士以名愈園中時嘉植甜俗殊橙柑低枝  
綴花跗香味鼻觀參藥藥霜皮孕黃面作瞿曇采摘置懷  
裊龍涎芬馥醴瑤琚匪言報供以彌勒龕

曲徑甃碎石詰屈紅闌亞中有芍藥田覆以茶藤架香閨  
蒼菊林玉綴辛夷樹此間得佳趣風月奚論價容膝榜蝸  
廬名流比稅駕書聲間農歌小人願學稼

偶成

穆穆楊柳綠排衙繞屋編籬籬斜酒榼晨沽春後釀竹

蝸寄廬詩草卷一

爐宵試雨前茶詩成不厭千回改棋劫須防一著差蝸角  
觸蠻休戰鬪且攜鴉嘴種閒花

簾波低颺午風柔寶鴨名香篆影留好事新編花月令偷  
閒重補酒春秋梁鴻豈肯因人熱衛玠於今始欲愁躡冷  
干將休自銜藏鋒我亦佩吳鉤

題曉峰叔愛硯圖

古人嗜古嗜成癖秦磚漢洗珍拱璧何況青州舊石交  
手擬抄發光澤憶昔南宮海嶽顛軒窗列嶂涌雲烟研山  
徑尺最峭拔三十六峰陂陀連更憶長公移汝時玲瓏九  
華並仇池袖中攜歸東海石龍尾鳳味矜殊奇臣叔風流

雅好事圖書彝鼎搜羅異購得端溪十頃田筆耕墨未朝  
磨研銅雀烟雲未央土流連寶物今千古松麝微熏玉帶  
香苔花細刺雲峰縷墨池化作瘳龍飛雪海驚起鸚鵡舞  
硯乎硯乎爾有知鼠鬚栗尾惟爾宜俛仰千載誰知已叔  
分昕夕相追隨紅絲蒼壁紛羅列我亦硯田作生活十載  
寒窗磨未穿石頑空負桑家鐵何時揮灑成烟雲許借宏  
農十萬軍管城儻有封侯日第一須酬卽墨勳

蘇臺柳

春風香徑采靡蕪踈地垂楊儼畫圖十里紅樓朝繫馬一  
天明月夜棲烏淒涼茂苑游麋鹿寂寞荒臺舞鶴鵝眉樣

蝸寄廬詩草卷一

三

青青腰樣瘳風流得似美人無

隋隄柳

故宮蔓草說隋家嫋嫋柔條傍水涯畫舫曾翻金縷曲秋  
風猶拂玉鉤斜荒烟古渡黏螢火落日長隄宿暮鴉不盡  
當年興廢感春來依舊作楊花

灞陵柳

天涯送客總魂銷第一魂銷是此橋千古多情離別地東  
風無賴短長條馬嘶驛路愁懷繫絮逐征鞍雪影飄唱罷  
驪歌將進酒旗亭落日一帘挑

玉關柳

不信東風不度關長條偏向玉門攀愁生紫塞黃沙地信  
到龍堆雁磧問壓曲宵分聞玉笛封侯夢斷卜刀鐔遙知  
少婦深閨裏感損眉痕一樣彎

詠圍爐

鏤刻猊符碧鈿鈞獸炭紅晨昏添火伴位置近冬烘有耀  
能炎上何人不熱中團焦此温室鄒律轉春風

破屋繩爲牖匡牀鐵是衾火攻非下策附熱起初心韻事  
當爐豔交情贈炭深錫奴休如寵珍重辟寒金

病後

不願長齋繡佛前懶燒鉛汞學飛仙瘳同病鶴已如許修

蝸寄廬詩草卷一

四

到梅花更可憐肘後奇方能卻病靜中趺坐卽參禪壯心  
銷盡名心淡惟有耽吟勝昔年

讀書有悟

古人所著書了然心與口句櫛而字比已在古人後乃復  
矜聰明謂出古人右塗飾駭庸俗識者曰否否聖經與賢  
傳義蘊邠衆有箋疏妄穿鑿雷鳴爭瓦缶度辭齋受辛異  
論柳生肘以太元經千載譏覆誦

漢代求賢良力田與孝弟唐宋取士法對策登上第有明  
改故轍試士崇制藝代聖賢立言八股著新例後學尙剽  
竊割裂飾擊悅風氣趨澆薄所學渺實濟士生三代後立

言貴經世雕琢失本真座右當自勵

太美通神明後世侈珍錯雅頌登明堂箏瑟非古樂衣服  
屏文繡檝棟戒丹雘讀書亦宜然菁華棄糟粕正學昭宇  
宙義蘊闡閩洛史鑑資得失涑水參筆削循名以責實黜  
華而崇樸小言徒詹詹九流與七略

舟中

遠浦望何極長空生晚烟扁舟雙槳穩落日一帆懸野渡  
拳孤鷺垂楊噪暮蟬宵深弄明月疑是夜珠還

擊柝

漏滴銅壺欲二更滿街郵檣警宵行遠山雜遯鯨魚和深

蝸寄廬詩草卷一

五

院舊騰蜨夢鷺落月漸陵秋色冷殘星官道曙光橫晨雞  
啼罷荒郊徹又聽譙鐘三兩聲

鳴機

昨夜秋風上客衣征衫檢點未旋歸銀河誰訪天孫石玉  
杼難停嬾婦機嘔軋深宵孤雁語淒涼斷壁一燈微階前  
絡緯吟金井明月聲聲透繡幃

彈棉

前村漫唱浣溪紗須識江鄉產物華顧我無衣難卒歲羨  
他非木亦名花蘆簾半捲秋風薄竹榻橫攤夕照斜多少  
紡車聲聽轆似聞商婦咽琵琶



擣練

蟋蟀堂虛玉漏沈流黃溼透播秋砧萬家催起關山怨一  
片敲殘離別音紫塞風霜千里夢紅闈燈火五更心年年  
刀尺催巫峽怕見階前明月深

郊游

遠道躡青去躡衣登翠微紅香開旆旒綠意惜芳菲啼鳥  
不成夢落花飛上衣五陵年少子醉控玉驄歸

赴試白門和吳屏石維揚舟中韻

玉簫聲裏過揚州曉地垂楊繫客舟津邑橋橫官渡月佛  
樓鐘咽故宮秋長隄畫舫烟雙槳螢苑雷塘土一邱試向

蝸寄廬詩草卷一

六

平山堂上望蒼茫不盡古今愁

金山懷古

劫灰何處問紅羊古蹟摩挲解磴荒內翰因緣留玉帶英  
雄勛業仗紅妝飄零塵網封禪榻斑駁落花繡斷槍石上  
暗潮嗚咽語不堪回首話滄桑

蕭蕭木葉下荒祠惆悵臨風有所思白舫客櫂迂叟筆蒼  
厓人讀葬師碑龕中佛印三生法石上劉滄七字詩聽說  
中冷泉第一擬招陸羽汲軍持

金山舟中望焦山

舟行金山側江水何澄鮮怪石矗其麓斑駁青苔錢東望

焦山寺蒼茫生晚烟樹木轉秋色中有亭翼然松風舞  
濤石礪飛流泉岫雲有時歸日落山之顛我今剪江去林  
壑空流連

郭璞墓

遺蹟人傳古葬師青山斜日臥殘碑我來獨向荒祠拜乞  
借先生筆一枝

京口夜泊

落日明山寺孤舟枕小橋客心千里月風信半江潮徑僻  
人蹤寂天空雁字遙旅中愁不寐秋色伴蕭條

蝸寄廬詩草卷一

七

催殘樓角心逐曙雞爲尋漁唱處斜月斷峰西

登攝山

山上有白雲縹緲如飛鴻鬱鬱生巖壑舒卷隨清風峰高  
濛空碧朵朵青芙蓉行歌騁壯懷狂嘯凌長空  
山氣升穹虛林容寫幽靜磻水聲潺湲岫雲拂清影山嵐  
不避人老鶴行松徑疎林鐘一聲驟然發深省

萬松嶺

斷續天梯萬仞山支筇路轉翠微間飛泉瀉雨穿松礪斷  
碣埋雲蝕薛斑落日半竿孤塔影歸樵一擔亂峰環晚來  
江上生明月點點蒼烟露翠鬢

過徐中山王墓

匹馬秋風落日曛一杯魯酒醉荒墳  
路人猶識祁連塚門外松濤捲白雲

石碣爛斑錦繡堆神祠寂寞蔣山隈  
而今欲問前朝事翁仲無言卧碧苔

游隨園

夙聞隨園名向禽願莫補今我來隨園  
雲霞快先觀門外勝公祠永作倉山主  
一徑入叢篠琅玕青可數高下紛樓臺  
逶迤憑指樓橐筆將題詩雷門慚布鼓  
束筆不題詩張步徒負負與爲太常鐘  
何如魯般斧九原如可作一笑掌

蝸寄廬詩草卷十

應拊

謁方正學祠

浩然有正氣耿耿伸忠烈義憤垂千秋  
肝膽貫金鐵燕兵靖難來倉卒金甌缺  
勢孤刃可蹈義盡檻可折麻衣橐筆朝  
憤罵聲激切十族將奈何一死完臣節  
吁嗟公之心青史昭如揭廟貌峙山椒  
展拜心蘊結石壁勒遺書字字龍蛇掣  
門外千丈松風怒濤成雪北望孝陵城  
葱鬱雲環列石上暗潮生猶自悲鳴咽

登報恩寺塔

放眼層霄外登臨此壯觀雲隨沙鳥亂  
水入海天寬斜日

照幽徑晚風生暮寒何當吹鐵笛聲徹大長干

塔影長空時晴烟九點蒼鐘聲喧古刹鈴語答斜陽佛火蒲團寂僧衣薜荔涼澄江如曳練漁唱入滄浪

秦淮

臺榭參差玉作層烏皮艇子紮紅簾朦朧新月温磨酒書舫珠簾正上燈

青溪迴抱蔣山青緩蕩蘭橈酒未醒醉裏不知歌舞倦夜深猶自隔船聽

卍字闌干月影斜衣香酒霧罨窗紗笛聲吹罷簫聲起知是紅樓第幾家

蝸寄廬詩草卷十一

九

斷江南八月天

紅板橋頭畫鷁船蕭娘親接十三絃當筵一曲梁州調腸燈船初過酒船闌深院無人扇影寒一自玉筵篋曲斷秋風誰弔馬湘蘭

青簾白舫美人家壁月瓊枝賸落花斷送南朝多少恨紅牙板與鐵琵琶

訪媚香樓故址

何處妝樓勝媚香秦淮風物幾滄桑多情送我惟雙漿離緒催人尙綠楊流水半灣抱明月疎簾一桁剩斜陽而今重話興亡事鐵板銅琶淚兩行

有贈

兒家生小住紅橋門外垂楊綠幾條句斷吟魂儂不管一枝柔艸一枝簫

傍水闌干面面開畫橈雙槳泛春回臨湖日午纔梳洗鸚鵡前頭喚客來

杏衫桃扇兩相宜宛轉紅牙子夜詞水樣柔情郎識否暗通眉語背人時

修蛾翠黛情郎描畫出春山十樣嬌情與檀奴親口說阿儂生日是今朝

臨行解贈玉芙蓉折斷釵頭最悞儂萬種閒愁拋不得一

蝸寄廬詩草卷一

十

齊兜上兩眉峰

殷勤絮語問檀奴紅豆相思種有無珍重一言須記取明朝千萬破工夫

香阜寺

林壑生暮寒落日照松徑空山不見人明月一聲磬

維揚舟次

蒲帆東下棹歸舟小駐邗江十日留畫舫笙歌人醉月板橋煙雨客驚秋環城流水橫官渡古利斜陽鏤佛樓回首

家園松菊老人生只合住揚州

懷友人黃古初冠陳拜山 謨

獨坐不成寐中夜彈素琴明月何皎皎哀風動遠林徬徨

忽四顧涕泣沾衣襟眷念知心侶相思在遠潯遠潯日以隔相思日以深安能抱素琴來訪空谷音

野渡卧荒橋槎枒挺古木忽聞讀書聲中有幽人屋借問居者誰詩人黃山谷先生廟廊才胡為甘踰伏賞音世所

希知足恆不辱澹泊本天性相見率真樸我從先生游塵驅愧魚鹿歡會一何難別離一何促願言駕扁舟來往青

山曲

我愛陳仲舉翩翩雲霄姿平生無嗜好好在賦詩少時聞君名各居天一涯願一見顏色渺渺無良期相知既以

蝸寄廬詩草卷一

十一

深相見良可悲不悲知音晚但悲知音希深譚夜促膝漏

盡遑云疲白雲有時還寸心終不移伯牙無鍾期水絃不復陳蔡豈見王粲倒屣乃迎門古人

重氣誼功名安足論相馬得騏驥一顧空冀羣薄言采蘭蕙所貴披荆榛締交遍天下何如得其真願持山中雲贈與素心人

題瘖盲伴侶圖

人生宇宙間五官資佐輔缺一猶窒礙矧兼瘖與瞽戚施不能仰蓬篠不能俯聾者墜於聰跛者艱於履大造何茫

茫缺陷疇苴補嗟茲瞖與瘖阨境尤茶苦兩瞽相扶持緣

附知蛭距旁有瘖男子朝暮爲儕伍宜乎跬步間舉足皆  
險阻瞽者曰否否有瘖目能睹瘖者徒唯唯有瞽口能語  
無用互爲用不復悲哉踽踽披圖發浩歎妙理圓中悟與其  
矜聰明秋毫燭肺腑何如盲於日全其天所付與其鬪辯  
給出語多齟齬何如噤於口世人莫余侮禮云闔然章詩  
曰柔則茹自昔聖賢人懷懷此千古善夫譬與瘖可爲箴  
銘助

塾中

到處羈棲便是家夢醒殘月斗橫斜吟成秋草瘦於鶴句  
起春愁亂似麻辛苦一身兼作僕模糊兩眼眩生花時有目疾

蝸寄廬詩草卷一

十一

依人王粲書生命百不一能負歲華

題小橋風雪圖

凍雲如墨壓林昏料峭風尖沁客魂何處酒帘挑一角短  
籬疎竹小柴門

買得旗亭酒一瓢歸來明月蹋瓊瑤高歌爛醉不知處家  
在蒲東第五橋

塾中

青山問我幾時歸秋月春花兩度違孤館羈棲成旅客經  
年鄉夢戀親幃風塵拓益貧誰恤筆硯依人計本非三徑  
就荒松菊在料量歸計掩荆扉

底事先生屢折腰粟齋五斗腹猶枵蠹殘書卷胸中竹鹿  
覆功名夢裏蕉祇有漢書能下酒不須吳市也吹簫侏儒  
飽矣飢臣朔欲效揚雄作解嘲

晦明風雨孰知心剩有孤檠伴漏沈足別彌珍懷內璞尾  
焦誰識爨餘琴馮驩劍鍊彈何益范叔綈袍誼竟深敢詡  
曲高人穿和秋風茅屋苦酸吟

青衫牢落困塵埃頭腦冬烘鈍秀才老秃中書傭有筆窮  
愁債帥避無臺桓伊流涕聞三弄枚叔憂時賦七哀差喜  
甕頭新釀熟一卮醉倒玉山頽

東友人索箋

蝸寄廬詩草卷一

十二

蕭齋枯坐挂詩瓢排悶拈毫破寂寥一事思量翻懊惱不  
曾種得綠芭蕉

謝友人贈箋

我聞七七仙人工時花鶴林頃刻紛奇葩又聞七七仙人  
工釀酒逡巡玉露春盈斗有花有酒當此時揮灑荆州絕  
妙詩聯珠脫藁索誰和排闥敲門惟屬我我曰作詩苦無  
紙懷素仙矣蔡倫死君聞掀髯大軒渠銀光赫曠我所儲  
錦箋爲爾贈新詩爲我酬一箋一詩互酬贈會須看花金  
谷飲糟邱我聞君言振衣起紙田萬頃如願矣左手持雀  
瓦右手搗鼠鬚錦箋拂拭爲君鋪淋漓落紙墨點癡狂歌

擲筆長胡慮問君索和君何如

贈陳拜山

天涯萍水話心期飯顆相逢慰夙思詩酒都供才子料文章不受世人知布衣牢落雙蓬鬢黃絹風流絕妙詞島佛苦吟成結習從今投贈補新詩

疊前韻

琴徽何幸邁牙期流水高山愜素思十載詩書嗤我拙廿年心事說君知無聊慣築埋花塚好事偷填拜月詞賈島癡騷今更甚推敲驢背未成詩

屈指韶光插柳期綠波碧草渺予思芳醪未飲先愁醉香

蝸寄廬詩草卷一

古

夢無多祇自知玉茗才人工製譜金荃小令學填詞願題錦紙三千首笑向陳遵索和詩

和拜山見贈原韻

緘捧雙魚手自開鄒雲璀璨下瑤臺紅薇硯澆方諸露金鴨爐燒必粟灰隔歲微詩偏我嬾多時開徑望君來春風為掃陳蕃榻玉笛當筵壓幾回

駸駸駒隙愧蹉跎春水懷人又綠波圓澤三生通夢寐邯鄲故步學吟哦友如明月圓時少詩似青山疊更多欲識故人任何處白雲茅屋掩藤蘿

穎川門第重清華豪氣軒軒映霞卓絕奇峰凌華嶽天

然傲骨伴梅花一生詩酒風流長兩字功名際過差鄧禹笑人甘寂寂前生我欲證摩耶

平生多少青衫恨聽到言愁我亦愁焦尾不逢桐爨識飛鴻都為稻梁謀一盃香火耽禪悅四壁烟雲抵壯游雄辯高談傾四座錚錚躍冶響吳鉤

淵明入社豈攢眉落拓閒身伴硯池濁酒不嫌無醒日名花誰識未開時壯懷溟渤胸襟濶世事浮雲淡眼窺慚愧鷓鴣同寄跡相期戢翼上林枝

相見時難別更難尊前兩日話盤桓隔年詩到今年和新雨情同舊雨歡顛顛江湖狂杜牧牢騷杯酒老方千句留

蝸寄廬詩草卷一

古

小住揮譚塵今夜柴門月色寬書陳厚甫石頭記傳奇後

癡情何處證靈犀幻境空空蝶影迷邢尹才華標粉黛佳盧門第數金閨神仙小劫成滄海離恨前生悟絮泥悽絕瀟湘秋夜月聲聲花落子規啼

離合悲歡百不齊傷心勞燕各東西聰明易墜罡風劫魂夢惟聞夜雨悽恨海難填成碧血情天欲補割紅泥蘭因絮果憑誰證譜人鷓鴣試品題

拜山贈詩賦四十韻奉謝

自賦高軒過青山路匪遙尺書披錦字厚貺勝瓊瑤快慰

紅薇露來聽碧玉簫千行摠綺繡一曲奏雲韶雅淡牙絃  
操和平瓠瑟調琳瑯懸作佩冰雪織成綃小閣香初燼殘  
燈影尚搖感君贈楊柳念舊夢芭蕉幼侍元方座會廣長  
慶謠君有贈家湖廷兄移居詩用香山與元八卜鄰韻七言吟鳳噉薄枝愧蟲雕  
步韻甘傾憐聞名屢折腰法書珍逸少斗室署崔嵬句重  
驚人謝才侔博物橋鋒銳秋水劍波浪曲江潮似此雄文  
陣何難奪錦標驕駟朔漠鷹隼振晴霄待獻明堂賦應  
聯翰苑鏢數奇嗟李廣霧隱惜公超有筆凌鸚鵡無人薦  
鸚鵡陽春誰屬和桐巖孰憐焦羅隱江東老方千谷口樵  
隨身雙蠟屐到處一詩瓢世事浮雲淡霜華兩鬢凋北堂

蝸寄廬詩草卷一

末

勤侍養東郭避塵器投轄延佳士舉芳泛短檝徑因山谷  
掃古初緘寄戴逵迢勉之嘯傲林泉勝優游歲序消先生  
真石隱賤子歎蓬飄夢斷蒲塘水居鄰橫港橋地懷君當  
月夜聽雨又花朝屢欲拏舟訪欣逢折柬邀鄧攸賡齋洵  
愛客殷羨古盤復攀招御李緣非淺瞻韓與更饒十年徒  
景慕一見倍魂銷酒罄紅螺醉筵開綠蠟燒聯牀支草榻  
握塵話深宵皮裏陽秋證胸中壘塊澆譚詩欽哲匠焚硯  
學君苗甘謝琴難識休誇戰數挑寸緘銀鹿付窗外竹蕭  
蕭

題馬晴圃撫松圖

蝸寄廬詩草

儵然世界擅清涼桐帽櫻鞵薜荔裳坐到夜深明月上松  
花如雨撲衣香

哭金兒

曇花一現太無情歎息明珠掌上傾牀角可還依母坐夢  
中猶聽喚爺聲左家紈扇成長訣羊祜金環卜再生彈指  
剎那泡影幻殘燈斜月照窗明

扶牀弱姊太嬌癡第一傷心喚妹時鬢指可憐分手日惱  
人怕寫斷腸詩悽風荒塚魂誰伴夜雨孤檠漏轉遲不信  
天中真有厄憑誰續命乞紅絲時五月四日

掬水月在手弄花香滿衣圖

蝸寄廬詩草卷一

末

青山何處避塵塵蝸角蠅頭絆此身廿載年華嗟逝水半  
生花月作閒人愁城祈倩吳剛斧香國鋪慚許慎茵幸結  
洛陽詩社侶率真同是葛天民

碧蘿疎竹短籬笆白板柴門水一窪酒地詩天狂嘯傲蕉  
衫桐帽醉生涯襟懷敢詔胸中月夢境遲生筆底花皓魄  
長圓春不老補天我欲乞靈媧

鶴糧鶯俸費平章花外水輪倏轉廊磨境豈同仙叟幻熏  
衣不羨令公香何人爲證前生業似我難誇竟體芳一角  
紅闌雙畫槩可容消受此吟場

停雲天末起相思酬唱松陵陸與皮花似名流無俗豔月

如好友有圓時驪珠入手標誰奪綺席生香醉不辭尺幅  
鵝溪須護惜琳瑯一卷畫中詩

消暑詞

湖光十里水雲涼小小扁舟暑不妨划向藕花香裏住鴛  
鴦亭子蓋中央

疇把人間熱惱醫疎簾清簟畫敲棋抵他多少清涼散水  
雪聰明一卷詩

自攜蒲簟步紅橋隔岸雙鬢蕩畫橈只聽啾啾私地說荷  
花生日是今朝

修篔簹千竿媚碧此君分占好林泉主人與客須同醉醉

蝸寄廬詩草卷一

一八

便綠雲深處眠

桐帽櫻鞵薜荔裙芙蓉衫子藕花熏頗黎八尺屏風畫上  
有茅莽任白雲

呼童細淪紫茸茶七椀瓊漿沁齒牙底事仙人誇供養水  
桃雪藕絲沈瓜

懸厓瀑布雲林畫護護涼生四壁風潑墨黑雲吹雨至恍  
疑身在畫圖中

朝川沁水與平泉此是人間小洞天剛向湖心亭上立隔  
花來箇打魚船

采蓮歌罷踏搖孃女伴歸來月樣妝不采蓮花采蓮葉大

家爭取作衣裳

涼雲匝地露華飄一曲冰絃解暑歎願乞姮娥借明月廣  
寒宮裏聽吹簫

題青溪送別圖

送郎出門去咫尺千萬里郎心江上萍妾心青溪水萍水  
相逢會有期天涯一別何時歸願郎長憶送郎日莫管春  
風楊柳枝

題姜北池荷亭問字圖

翠羽明瑤洛浦仙紅情綠意寫纏綿一雙纏臂金條脫也  
費佳人潤筆錢

蝸寄廬詩草卷一

一九

不須絳樹唱雙聲何事桃根擁楫迎但願美人書錦字低  
頭花下拜門生

賀殷古盤移居

十笏誅茅拓舊廬郊居風味樂何如柴門流水斜陽外小  
院濃陰春雨餘儘有田糧供鶴俸無多事業課兒書得閒  
自權瓜皮艇來訪盧仝處士居

清溪綠曲石橋斜小小廬宜榜寄蝸尚有餘閒領風月半  
留隙地種桑麻吟餘擱筆聽嘯鳥棋罷推窗看落花笑我  
身如王謝燕一年一度到君家

錢春

攀留無計奈春何  
花夢匆匆一刹那  
不是無情嬾相送  
客中人怕別離多

玉關春度柳千絲  
底事驪駒唱別離  
一事報君堪解慰  
今年別較去年遲

時間  
三月

周竹溪司馬晚香圖

桃李妍春姿蒲柳零秋風  
荃蕙非不貴早凋同飛蓬  
松柏有本性歲寒彌見崇  
古今士大夫所貴持其終  
公愛黃花愛晚節寒香冽  
列秋一叢吁嗟公之清風  
亮節誰與同處則爲晉之  
陶靖節出則爲宋之韓魏  
公

題吳樾亭一經教子圖

蝸寄廬詩草卷一

三

我從燕京歸束帶登君堂  
君聞故人來倒屣相迎將  
握手道寒暄遮留羅酒漿  
諸甥侍亭亭左右紛趨踰  
一一詢所學對舍如傾囊  
少者亦清雋讀書音琅琅  
福時有佳兒燕山洵義方  
君曰何能然結習實難忘  
弱冠習佔畢矢志青雲翔  
中歲失怙恃歧路愧亡羊  
豚兒猶識字恐爲嬉所荒  
曷敢冀騰達所期繇青箱  
我聞君之言悵觸心徬徨  
憶余卅角時問字趨庭旁  
少長受經史詞義析微茫  
曉徑蘭露溼晚窗竹風涼  
篝燈照蓬壁伊唔夜未央  
春鷓與秋蟀兀兀幾星霜  
瞬息十餘載駒隙流光  
兄弟幸成立堂上方康  
強何由博寸進上慰椿萱  
望我今讀君圖中詩一章

淵明責通子昌黎誠符  
邴古今父母心同此計  
久長我爲諸甥卜騏驥  
紛騰驥更爲諸甥勗砥  
礪成圭璋春雨泮芹碧  
秋風巖桂香王氏誇珠  
樹河東譽鳳凰藉非勵  
績學奚致英名揚善哉  
君此圖千秋永珍藏

咏菊

生成傲骨耐秋風  
位置寒窗翠一叢  
笑我疎狂君隱逸  
替君做箇主人翁  
亭亭多格構無雙  
座次相看酌玉缸  
最愛夜深明月好  
蕭蕭疎影上紗窗

石盆瓦盎蘘清芬  
澹澹芳菲鼻觀聞  
此味幾時能領略  
晚燈初上酒初醺

蝸寄廬詩草卷一

三

蠶啼蟀語醒花魂  
料峭風寒月有痕  
不是讀書燈一點  
更無人影伴黃昏



蝸寄廬詩草卷二

南通州 沈 鏗 笠湖

古今體詩八十七首

行路謠題腰站旅店壁

土荒荒石鑿鑿夏行避湖險冬行避山惡入湖出湖我僕

痛入山出山我馬煩一解流水湯湯上有石梁車如雷震

馬蹄騰電光吁嗟乎馬蹄蹶鐵推欲折何况客軀不如鐵

二解畫入門夜出門主人曉曉前致言人防盜馬防奔

春不雨老農傷春禱雨行路忙行路且勿忙去年斗米

錢三百今年麥荒行不得四解南餅薄北餅焦腰站女兒

蝸寄廬詩草卷二

十一

顏色嬌嬌顏如花歌一曲客胡不樂上車宿五解小車雙

輪人挽推大車兩騾人鞭笞噫吁噓爾騾與人各食其力

賤人貴騾兮我心惻惻六解視僕若孳視店若家君不見

十八站愁風沙日行百里雙鬢華七解

憶蓮曲為郁二梅子竟孝廉作

迴廊複檻小房櫺窈窕文窗盞曲通記否櫻桃舊門巷斜

街穿過小衲衲

泥金扇子寫鴛鴦當作珍珠密密藏更疊雲箋親屬付替

書大令十三行

衫痕圓暈漬經絳誤觸晶屏半醉時奇語擅奴須護惜化

為紅豆即相思

犀簾象簾淨纖埃曾到栴檀世界來願乞儂身作鸚鵡朝

朝暮暮拜蓮臺

和仰化壁間韻

輕衫窄袖逐鉤車壁月瓊枝憶麗華金縷新聲縉折柳銀

鉤小字仿簪花綠紗窗頭紅蘭影青粉牆通碧玉家手撥

檀槽親勸酒尊前一曲醉流霞

輾轆緇塵道上車劈箋裁句寄瓊華情根默證三生石癡

願親栽百合花小印鴛鴦香作字曲闌蝴蝶夢為家六郎

風貌蓮華艷嫋嫋凌波洛浦霞

蝸寄廬詩草卷二

十二

菊花和王曉南熙震農部韻

淺紅殷碧暈千枝茱萸含晴窗妙入詩生就西風堅傲骨不

隨凡卉闌欒姿空山霜後香誰匹明月秋深約恐遲多謝

故人王摩詰招要步履過東籬

尋秋瘦蝶舞翩翩爛漫花開霜月天冷寄巖阿邀特賞渥

沾雨露已經年香從老衲禪宗悟澹自司空妙品傳真意

惟君能解得拈花欲辨恐茫然

闌珊花事幾枯榮似此能堅晚歲盟小院秋容烟一燈疎

簾瘦影月三更君懷蜀道詩頻賦曉南家我憶江南夢不

成叢菊故園吟杜老釋心同向客中生